

麋

鹿屬也。海陵間最多。千百爲羣。多牡。少牝。鹿相反。鹿喜山而屬陽。故夏至解角。麋喜澤而屬陰。故冬至解角。狀似鹿而色青黑。大如小牛肉。蹄目下有二竅。爲夜目。博物志云。南方麋千百爲羣。食澤草。踐處成泥。名曰麋皷。人因耕獲之。其鹿所息處。謂之鹿場也。今獵人多不分別。往往以麋爲鹿。牡者猶可以角退爲辨。牝者通目爲麀。鹿矣。

麋肉味甘溫。無毒。主益氣。補五臟不足。治腰腳氣多。食令人弱。房妊。娠食之。令子目病。不可合猪肉。野雞肉食發痼疾。同鰕及生菜。梅李食損男子精氣。脂味辛溫。無毒。治癰腫惡瘡。死肌寒熱。風寒溼痺。四肢拘緩不收。風頭腫氣。通腠理。柔皮膚。不可近。

陰令痿。治少年氣盛。面生瘡皰。化脂塗之。○李時珍曰。按陸農云。鹿以陽爲體。其肉食之燠。麋以陰爲體。其肉食之寒。故脂令陰痿。肉多食。令人弱房也。茸味甘溫。無毒。主陰虛勞損。一切血病。筋骨腰

膝酸痛。滋陰益腎。

角煎膠作霜。法同鹿角。

味甘熱。無毒。治風

痺。止血。益氣力。添精益髓。煖腰膝。壯陽悅色。療風氣。偏治丈夫。作粉常服。治丈夫冷氣。及風注筋骨疼痛。若卒心痛。一服立瘥。漿水磨泥塗面。令人光

華赤白。如玉可愛。滋陰養血。功與茸同。○李時珍

曰。鹿之茸角補陽。右腎精氣不足者宜之。麋之茸角補陰。左腎血液不足者宜之。乃千古不易之至論也。骨治虛勞。煮汁釀酒飲。令人肥白。皮作靴。鞵除腳氣。

○附方

治吐血。以麋角屑喫之大效。

麋

生東南山谷。今有山林處皆有之。而均房湘漢間尤多。乃麋類也。南人往往食其肉。然堅韌不及麋。味美。其皮作履。曷勝於諸皮。又有一種類麋而大者名麋。山海經云。女兒之山。多麋。麋卽此。○李時珍曰。麋。麋屬。而小於麋。其口兩邊有長牙。好鬪。其皮爲第一。無出其

古者但皮多牙傷痕其聲如擊鼓鉞四方皆有山深處頗多牡者有短角驚色豹脚脚矮而力勁善跳越其行草莽但循一徑皮極細賦靴襪珍之銀麋白色施州一種紅麋色丹

麋肉味甘平無毒治五痔病燂熟以薑醋進之頭骨

味辛平無毒燒灰飲服治飛尸皮作靴襪除溼氣

脚痺其肉多食動痼疾發疥瘡孕婦食之墮胎

麋

深山中有一形大於麋其肉稍麋

麋肉味甘平無毒功用 麋肉同

麋

一名麋陂澤淺草中多有之秋冬居山春夏居澤似鹿而小無角黃黑色大者不過二三

十斤雄者有牙出口外其皮細軟勝於鹿皮夏月毛毳而皮厚冬月毛多而皮薄也又有

〔銀麋〕白色。云王者
刑罰中理則出。

麋肉味甘溫。無毒。主補五臟。益氣力。悅澤人面。釀酒
有祛風之功。八月至十一月食之。勝美。十二月至
七月食之。動氣。多食令人消渴。若瘦惡者。食之發
痼疾。不可合鵠肉。食成癥疾。不可合梅李鰕食。病
人。○人心麤豪者。以其心肝曝乾爲末。酒服一具。
卽便小膽。若怯者。食之則轉怯。不知所爲。以麋性
最怯。飲水見影。輒奔。道書謂麋鹿無魂也。○孟詵
曰。肉同麋肉。釀酒良。道家以其肉供養。名爲白脯。

云不屬十二辰。不是腥膩。無禁忌也。髓腦主益氣力。悅澤人面。可作酒。補下元。骨味甘。微溫。無毒。治虛損洩精。益精髓。悅顏色。

○附方

治婦人無乳。麝肉作羹食。勿令婦知。是麝肉。

麝

形似麝而小。黑色。麝居山。麝居澤。以此爲別。麝生益州。雍州山谷。常食柏葉。又啖蛇。其香正在陰莖前皮內。別有膜袋裹之。五月得香。往往有蛇皮骨。今人以蛇蛻皮裹香。云彌香。是相使也。麝夏月食蛇蟲。至寒則香滿。入春臍內急痛。自以瓜剔出。着尿溺中覆之。常在一處不移。絕勝殺取者。然極難得。價同明珠。其香聚處。遠近草木不生。或焦黃也。今人帶

香過園林則瓜果皆不實是其驗也其次臍
香乃捕得殺取之又有心結香乃臍見大獸
捕逐驚畏失心狂走墜死人有得之破心見
血流出血上作乾血塊者爲下又有一種水
臍其香甚奇臍中皆水瀝一滴十斗水十用
洒衣物其香不歇唐天寶中虞人曾一獻之
養於囿中每以針刺其臍捻以真雄黃則臍
復合其香倍於肉臍近最難得○談苑云商
汝山中多臍遺糞常在一處不移人以是獲
之其性絕愛其臍爲人逐急卽投巖舉爪剔
裂其香就繫而死猶拱四足保其臍故李商
隱詩云投巖臍自香許渾詩云尋臍采生香
南中靈貓囊其氣
如臍人以雜之

臍肉味甘溫無毒治癥瘕○孟詵曰南人常食之似
臍肉而腥氣云食之不畏蛇毒臍香味辛溫無毒

主辟惡氣。殺鬼精物。去三蟲。蠱毒。溫瘧。驚癇。久服
除邪。不夢寐。魘寐。療諸凶邪。鬼氣中惡。心腹暴痛。
脹急。痞滿。風毒。去面黧。目中膚翳。婦人產難墮胎。
通神仙。通諸竅。療鼻窒。不聞香臭。開經絡。透肌骨。
解酒毒。消瓜果食積。治中風。中氣。中惡。痰厥。積聚。
癥瘕。○麝香不可近鼻。有白蟲入腦。患癩。久帶其
香。透關。令人成異疾。

靈貓

一名香狸。生南海山谷。狀如狸。自爲牝牡。
南人以作贈生。如北地狐生法。其氣甚香。

微有

麝氣。其陰亦如麝功用略同。楊慎丹鑑

錄云

予在大理府見香貓如狸。其文如金錢。

豹、此卽楚辭所謂乘赤豹兮載文狸是也。南山經所謂亶爰之山有獸焉，狀如狸而有髦，其名曰類，自爲牝牡，食者不妬是也。

靈貓肉味甘溫，無毒，食之令人不妬。陰味辛溫，無毒。

治中惡氣，飛尸蠱疰，心腹卒痛，狂邪，神鬼瘧疫氣。

夢寐邪魘，鎮心安神。

狸

一名野貓，處處有之，其類甚多，形頗似貓，其文有二，一如連錢，一如虎文，肉味與狐不相

遠。江南一種牛尾狸，其尾如牛，人多糟食。

李時珍曰：狸有數種，大小如狐，毛雜黃黑，有

斑如貓而圓頭大尾者，爲貓狸，善竊雞鴨，其

氣臭，肉不可食，有斑如狸虎而尖頭方口者，

爲虎狸，善食蟲鼠果實，其肉不臭，可食，似虎

狸而尾有黑白錢文相間者，爲九節狸，皮可

供表領。宋史安陸州貢野貓。花貓卽此二種也。有文如豹而作麝香氣者爲香狸。卽靈貓也。南方有白面而尾似牛者爲牛尾狸。亦曰玉面狸。專上樹木食百果。冬月極肥。人多糟爲珍品。大能醒酒。人生畜之。鼠皆帖伏不敢出也。一種似貓狸而絕小。黃斑色。居澤中。食蟲鼠及草根者名狽。又登州島上有海狸。狸頭而魚尾也。

狸肉味甘平。無毒。治諸症。溫鬼毒氣。皮中如針刺。作羹臠。治痔及鼠癰。不過三頓甚妙。又能補中益氣。去遊風。正月勿食狸。傷人。內則食狸去正脊。爲不利人也。膏治鼯鼠咬人成瘡。用此摩之。并食其肉。

肝治鬼瘧陰莖。治女人月水不通。男子陰癰。燒灰。

東流水服。頭骨味甘溫，無毒。治風疰尸疰，毒氣在皮中。淫濯如針則著。心腹痛走無常處，及鼠癰惡瘡。燒灰酒服。治一切遊風。水服。治食野鳥肉中毒。及噎膈不通飲食。屎燒灰水服。治鬼瘧寒熱。燒灰和臘猪脂。敷小兒鬼舐頭瘡。

○附方

治療癰久不瘥。用狸頭蹄骨塗酥炙黃爲末。每日空心米飲下一錢匕。或療癰穿破臭爛。用狸骨燒灰傅之。

風狸

生邕州以南，似兔而短棲，息高樹上，候風而吹至他樹食果子，其尿如乳，甚難得，人

取養之，乃可得。○李時珍曰：風狸生嶺南及蜀西徼外山林中，其大如狸，如獺，其狀如猿，猴而小，其目赤，其尾短如無，其色青黃而黑，其文如豹，或云一身無毛，惟自鼻至尾一道有青毛，廣寸許，長三四分，其尿如乳汁，其性食蜘蛛，亦啖薰陸香，晝則踞伏不動如蠟，夜則因風騰躍甚捷，越巖過樹如鳥飛空中，人縋得之，見人則如羞而叩頭乞憐之態，人撻擊之，倏然死矣，以口向風，須臾復活，惟碎其骨，後其腦乃死，一云刀斫不入，火焚不焦，打之如皮囊，雖鐵擊其頭破，得風復起，惟石菖蒲塞其鼻，卽死也，一云此獸常持一杖，指飛走，悉不能去，見人則棄之，人獲得擊打至極，乃指示人，人取以指物，令所欲如意也，二說

見十洲記及嶺南志，未審然不。

風狸肉味甘平無毒食之已風腦酒浸服愈風疾和

菊花服至十斤可長生尿亦治諸風

狐

江南時有之汴洛極多形似小黃狗而鼻尖

尾大其性多疑審聽善爲魅捕者多用置北

土作鱸生食之○李時珍曰狐南北皆有之

有黃黑白三種目伏於穴夜出竊食聲如嬰

兒氣極臊烈毛皮可爲裘其腋毛純白謂之

狐白許慎云妖獸鬼魅乘也有三德其色中

和小前大後死則首丘或云狐知上伏不度

阡溝或云狐善聽冰或云狐有媚珠或云狐

至百歲禮北斗而變化男女媼婦以惑人又

能擊尾出火或云狐魅畏狗千年老狐惟以

千手枯木然照則見真形或云犀角置穴狐

不敢歸山海經云青丘之山有狐九尾能食

人人食之不蠱狐魅之狀見人或又手有禮

有祗揖無度或靜處獨語或裸形見人百端

怪誕也、

狐肉味甘溫。無毒。煮炙食。補虛損及五臟邪氣。患蠱寒熱者宜多食之。作膾生食。煖中去風。補虛勞。同腸作臠食。治瘡疥久不瘥。禮記云。食狐去首。爲害人也。五臟及腸肚味苦。微寒有毒。治蠱毒寒熱。小兒驚。虛勞。隨臟而補。治惡瘡疥。生食治狐魅。作羹臠。治大人見鬼。肝燒灰。治風癰。及破傷風。口緊。搗強膽。人卒暴亡。卽取雄狐膽。溫水研灌。入喉卽活。移時者無及矣。又能辟邪瘧。解酒毒。陰莖味

甘微寒有毒。治女子絕產、陰中癢、及陰脫、小兒陰

癩、卵腫、**頭燒之**、辟邪、同狸頭燒灰、傅瘰癧、**目治**、**砭**

傷中風、**鼻治**、狐魅病、同豹鼻煮食、**唇治**、惡刺入肉

杵爛和鹽封之、**口中涎液**取法、小口瓶盛肉、置狐

於上、涎入瓶**入媚樂****四足主痔漏下血****皮辟邪魅**中、乃收之也

尾燒灰辟惡**雄狐屎**尖頭者是**燒之辟惡**、去瘟疫氣、治

肝氣心痛、顏色蒼蒼如死灰、喉如喘息者、以二升

燒灰、和薑黃三兩搗末、空腹酒下方寸匕、日再甚

效。療惡刺入肉、燒臘月豬脂調塗之。

○附方

狐肉羹。治驚癇恍惚。語言錯謬。歌笑無度。用狐肉一斤及五臟治淨。入五味煮作羹。食之妙。

治牛病。狐腸燒灰水灌之。

貉

音鶴。生山野間。狀如狸。頭銳鼻尖。斑其毛。深厚溫滑。可爲裘服。與獾同穴而異處。日伏

夜出。捕食蟲物。出則獾隨之。其性好睡。人或蓄之。以竹叩醒。已而復寐。故人好睡者。謂之

貉睡。俗作瞌睡。謬矣。俚人又言其非好睡。乃耳聾也。故見人乃知趨走。貉踰汶則死。土氣

使然也。

貉肉。味甘溫。無毒。主五臟虛勞。及女子虛憊。

獠

音獠一名猪獾處處山野間有之穴居狀似小豬狔形體肥而行鈍其耳聾見人乃走短足短尾尖喙褐毛能孔地入蟲蟻瓜果爲其所啖其肉微帶土氣皮毛不如狗獾獠與獾自是兩種或以爲一物誤矣

獠肉味甘酸平無毒治水脹久不瘥垂死者作羹食之下水大效服丹石動熱下痢赤白久不瘥煮肉露一宿空腹和醬食一頓卽瘥瘦人煮和五味食長肌肉寇宗奭曰野獸中惟獠肉最甘美益瘦人治上氣虛乏效逆勞熱和五味煮食膏治蜣螂蠱毒胸中哽噎恍恍如蟲行欬血以酒和服或下或